



XALQ DEPUTATLARI MIROBOD TUMAN KENGASHINING Q A R O R I

2023 - yil 5 - yanvar

II-74-1-14-199-K/23

Mirobod tuman hokimligi

2023-yil uchun Mirobod tuman mahalliy budjetini tasdiqlash to'g'risida

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari va Budjet kodeksining 99-moddasiga, O'zbekiston Respublikasining 2022-yil 30-dekabrdagi "2023-yil uchun O'zbekiston Respublikasining Davlat budjeti to'g'risida"gi O'RQ-813-sonli Qonuni hamda Xalq deputatlari Toshkent shahar Kengashining 2022-yil 4 yanvardagi "2023-yil uchun Toshkent shahar mahalliy budjetini tasdiqlash to'g'risida"gi VI-75-1-14-0-K/23-son qaroriga muvofiq va Toshkent shahar Moliya bosh boshqarmasining 2022-yil 30 dekabrdagi 01-3/2179-sonli xatini inobatga olib, Xalq deputatlari Mirobod tuman Kengashi,

Q A R O R Q I L A D I:

1. O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi Qonuniga (keyingi o'rinlarda Qonun deb ataladi) va Xalq deputatlari Toshkent shahar Kengashining 2022-yil 4 yanvardagi "2023-yil uchun Toshkent shahar mahalliy budjetini tasdiqlash to'g'risida"gi VI-75-1-14-0-K/23-son qaroriga (keyingi o'rinlarda Qaror deb ataladi) muvofiq 2023-yil uchun Mirobod tuman mahalliy budjeti parametrlari ma'lumot uchun qabul qilinsin.

2. Xalq deputatlari Toshkent shahar Kengashining 2022-yil 4 yanvardagi "2023-yil uchun Toshkent shahar mahalliy budjetini tasdiqlash to'g'risida"gi VI-75-1-14-0-K/23-son qaroriga muvofiq, Mirobod tuman mahalliy budjetining 2023 yil uchun daromadlari 93 697 000,0 ming so'm va xarajatlari 93 697 000,0

ming so‘m balanslashgan holda prognoz qilinganligi ma’lumot uchun qabul qilinsin.

3. 2023-yil uchun Mirobod tuman mahalliy budjetining daromadlari prognozi 1-ilovaga muvofiq ma’lumot uchun qabul qilinsin.

4. 2023-yil uchun Mirobod tumanining tuman mahalliy budjetidan hududiy budjet mablag‘larini taqsimlovchilarga ajratiladigan mablag‘larning cheklangan miqdorlari 2-ilovaga muvofiq tasdiqlansin.

5. 2023-yil uchun umumdavlat soliqlaridan ajratmalar normativlari 3-ilovaga muvofiq tasdiqlansin.

Bunda, ajratmalar normativlari bo‘yicha Toshkent shahar mahalliy budjeti bilan tumanlar mahalliy budjetining taqsimotini o‘rnatilgan tartibda Toshkent shahar bo‘yicha G‘aznachilik boshqarmasi tomonidan amalga oshirilishi belgilab qo‘yilsin.

6. 2023-yil uchun Mirobod tumanining tuman mahalliy budjetining zaxira jamg‘armasi hajmi 855 079,0 ming so‘m miqdorida belgilansin.

7. 2023-yil uchun Mirobod tumani budjeti shaxsiy g‘azna hisob varaqlarida turgan budjet mablag‘larining yo‘l qo‘yiladigan eng kam miqdori 724 723,0 ming so‘m etib belgilansin.

8. O‘zbekiston Respublikasining mazkur qonuni bilan 2023-yilda Xalq deputatlari Kengashlarini mahalliy budjetlarni boshqarishda, xususan, mahalliy budjet xarajatlarini hududiy budjet mablag‘lari taqsimlovchilar kesimida tasdiqlash va ularning Kengash oldidagi hisobdorligini belgilash bo‘yicha vakolatlari kengaytirilganligi inobatga olinsin.

Shuningdek, 2023-yilda quyidagi soliq turlari:

a) tuman budjetiga to‘liq hajmda o‘tkaziladi:

jismoniy shaxslardan olinadigan mol-mulk solig‘i;

jismoniy shaxslardan olinadigan yer solig‘i;

jismoniy shaxslarga tegishli mol-mulkni ijaraga berishdan oladigan yillik daromadi to‘g‘risidagi deklaratsiyaga asosan to‘laydigan, shuningdek, yakka tartibdagi tadbirkorlar to‘laydigan jismoniy shaxslardan olinadigan daromad solig‘i;

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

davlat mulkini ijaraga berishdan tushadigan tushumlar.

b) Quyidagi soliq turlari va boshqa majburiy to'lovlar Toshkent shahar mahalliy budjeti hamda Mirobod tumani mahalliy budjetlari o'rtasida taqsimlanadi:

aylanmadan olinadigan soliq;

yakuniy istemolchilarga benzin, dizel yoqilg'isi va gazni realizatsiya qilishdagi aksiz solig'i;

yuridik shaxslarning mol-mulkiga solinadigan soliq;

yuridik shaxslardan olinadigan yer solig'i.

9. O'zbekiston Respublikasi Prezidentining "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida"gi 2022 yil 25 oktyabrdagi PQ-409-son qaroriga asosan 2023 moliya yilidan boshlab:

a) Toshkent shahrining shahar budjetida shakllangan qo'shimcha mablag'larning 30 foizi tumanlarda jamoatchilik fikri asosida shakllantirilgan tadbirlarni moliyalashtirish uchun tumanlar Fuqarolar tashabbusi jamg'armalariga mavjud aholi soni va mahallalar sonidan kelib chiqib, teng ulushlarda yo'naltirilishi;

b) tashabbusli budjetlashtirish jarayonlari uchun tuman (shahar) budjetlarining 5 foizi miqdorida, biroq kamida 6 milliard so'mdan kam bo'lmagan miqdorda mablag' rejalashtirilishi belgilanganligi;

v) "Obod qishloq" va "Obod mahalla" dasturlarini jamoatchilik fikri asosida tashabbusli budjetlashtirish jarayonlari orqali amalga oshirilishining yangi tartibi ishlab chiqilishi ma'lumot uchun qabul qilinsin.

10. Mirobod tuman hokimining birinchi o'rinbosari (A.Salaydinov), tuman Moliya bo'limi (J.Oripov), tuman davlat soliq inspeksiyasi (X.Inomov) va mas'ul bo'limi va tashkilotlar bilan birgalikda:

tegishli budjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarning

rejalashtirilishini nazarda tutgan holda shakllantirish;

mahalliy budjet prognoz ko'rsatkichlarini o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va mas'uliyatni yanada kuchaytirish;

tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

11. Mirobod tuman davlat soliq inspeksiyasi (X.Inomov), O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralari ko'rish;

aylanmadan olinadigan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

bunda, mazkur yo'nalishda jamoatchilik nazoratini kuchaytirish maqsadida fuqorolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratish;

xatlov ishlarini samarali tashkil etish orqali yer va mol-mulk solig'ining soliq bazasini oshirish;

Kadastr agentligi Mirobod tuman bo'limi bilan birgalikda tumanda mavjud soliq to'lovchilarning mol-mulkleri maydonlarini chuqur tahlil etgan holda ushbu mol-mulkarga nisbatan soliqlarni to'liq hisoblanishini ta'minlasin.

12. Majburiy ijro byurosi Mirobod tumun bo'limi (I.Akbarov), Mirobod

tuman davlat soliq inspeksiyasi (X.Inomov), bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rib borishni ta'minlasin.

13. Mirobod tuman hokimining birinchi o'rinbosari (A.Salaydinov), mas'ul tashkilotlar bilan birgalikda tashqi reklama ob'ektlarini bo'yicha yig'implarni budjetga to'lanishi ustidan doimiy nazorat o'rnatsin.

14. Xalq deputatlari Mirobod tuman Kengashining Mahalliy budjet, investitsiyalar va tadbirkorlikni rivojlantirish masalalari bo'yicha doimiy komissiyasiga:

mahalliy budjetning qo'shimcha manbalaridan foydalanish to'g'risidagi hokimlik tomonidan taqdim etiladigan takliflarini belgilangan muddatlarda jamoatchilik muhokamasidan o'tkazish;

Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatish, tavsiyalar berish va monitoring qilish;

mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etish va ushbu mablag'larning maqsadli sarflanishi ustidan nazoratni amalga oshirish vazifasi topshirilsin.

15. Quyidagilar:

tuman budjeti jami xarajatlarining 5 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirishni;

bunda, Xalq deputatlari tuman Kengashi, yoshlar ishlar agentligi, tumanlar hokimliklari huzuridagi jamoatchilik Kengashlari hamda yangi joriy etilgan hokim yordamchilari budjet jarayonida fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishni tavsiya etish;

mahalliy budjetlarning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan ob'ektlar ro'yxati, shuningdek, qurilish-ta'mirlash ishlarining

moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10-sanasiga qadar majburiy tartibda tegishli hokimlik rasmiy veb-saytlariga joylashtirib borish topshirilsin.

16. Mirobod tuman hokimining birinchi o'rinbosari, tuman davlat soliq inspeksiyasi, tuman iqtisodiy taraqqiyot va kambag'allikni qisqartirish bo'limi, tuman moliya bo'limi va tegishli bo'limlar bilan birgalikda:

mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budjet mablag'laridan maqsadli va samarali foydalanishi yuzasidan erishilgan natijalar bo'yicha Xalq deputatlari Mirobod tuman Kengashiga chorakda kamida bir marotaba hisobot kiritib borsin.

17. Mirobod tuman hokimligi matbuot xizmati:

mazkur qaror rasmiy e'lon qilinishini va www.mirobodtumani.uz rasmiy veb-saytiga joylashtirilishini ta'minlash tavsiya etilsin.

18. Xalq deputatlari Mirobod tuman Kengashining 2022-yil 5-yanvardagi "Mirobod tumanining 2022-yil uchun mahalliy budjetini tasdiqlash to'g'risida"gi II-51-1-14-199-K/21-sonli qarori o'z kuchini yo'qotgan deb hisoblansin.

19. Ushbu qaror rasmiy e'lon qilingan kundan boshlab kuchga kiradi.

20. Mazkur qarorning bajarilishini nazorat qilish Xalq deputatlari Mirobod tuman Kengashining Mahalliy budjet, investitsiyalar va tadbirkorlikni rivojlantirish masalalari bo'yicha doimiy komissiyasi (A.Mamanazarov) va Mirobod tuman hokimining birinchi o'rinbosari A.Salaydinov zimmasiga yuklansin.

Kengash raisi



Sh.A.Pulatov

Xalq deputatlari Mirobod tuman
Kengashining
2023 yil 5 yanvardagi
II-74-1-14-199-K/23-son qaroriga
1-ilova

2023-yil uchun Mirobod tuman mahalliy budjeti daromadlari prognozi

ming so'mda

T/r	Daromad turlari	Mablag' miqdori
JAMI		93 697 000,0
1	Jismoniy shaxslarga tegishli mol-mulkni ijaraga berishdan oladigan yillik daromadi to'g'risidagi deklaratsiyaga asosan to'laydigan, shuningdek, yakka tartibdagi tadbirkorlar to'laydigan jismoniy shaxslardan olinadigan daromad solig'i	2 766 000,0
2	Yakuniy istemolchilarga benzin, dizel yoqilg'isi va gazni realizatsiya qilishdagi aksiz solig'i	26 254 000,0
3	Yuridik shaxslarning mol-mulkiga solinadigan soliq	14 643 000,0
4	Jismoniy shaxslardan olinadigan mol-mulk solig'i	12 181 000,0
5	Yuridik shaxslardan olinadigan yer solig'i	6 717 000,0
6	Jismoniy shaxslardan olinadigan yer solig'i	8 650 000,0
7	Aylanmadan olinadigan soliq	14 999 000,0
8	Davlat mulkini ijaraga berishdan tushadigan tushumlar	4 867 000,0
9	Suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno	2 620 000,0

Xalq deputatlari Mirobod tuman
Kengashining
2023 yil 5 yanvardagi
II-74-1-14-199-K/23-son qaroriga
2-ilova

**2023-yil uchun Mirobod tumanining tuman mahalliy budjetidan hududiy
budjet mablag'larini taqsimlovchilarga ajratiladigan mablag'larning
cheklangan miqdorlari**

ming so'mda

T/r	Ko'rsatkichlar	Mablag' miqdori
<i>A</i>	<i>B</i>	<i>C</i>
	Xarajatlar miqdori, Jami	93 697 000,0
	<i>joriy xarajatlar:</i>	<i>93 697 000,0</i>
1	Maorif	25 586 041,0
	<i>joriy xarajatlar:</i>	<i>25 586 041,0</i>
-	Maktabgacha ta'lim sohasi	11 667 404,0
	<i>joriy xarajatlar:</i>	<i>11 667 404,0</i>
-	Xalq ta'limi sohasi	13 918 637,0
	<i>joriy xarajatlar:</i>	<i>13 918 637,0</i>
2	Sog'liqni saqlash sohasi	2 803 866,0
	<i>joriy xarajatlar:</i>	<i>2 803 866,0</i>
3	Madaniyat va sport, ommaviy axborot vositalari	8 843 960,0
	<i>joriy xarajatlar:</i>	<i>8 843 960,0</i>
-	Madaniyat sohasi	1 240 638,0
	<i>joriy xarajatlar:</i>	<i>1 240 638,0</i>
-	Jismoniy tarbiya va sport sohasi	7 603 322,0
	<i>joriy xarajatlar:</i>	<i>7 603 322,0</i>
4	Bolali oilalarga va kam ta'minlangan oilalarga nafaqalar va kompensatsiyalar	5 657 443,0
	<i>joriy xarajatlar:</i>	<i>5 657 443,0</i>
5	Ozodlikdan mahrum etish jazosini o'tab bo'lgan fuqarolarga dastlabki ijtimoiy-moddiy yordam paketi	164 348,0
	<i>joriy xarajatlar:</i>	<i>164 348,0</i>
6	Ijtimoiy ko'nikma markazlari	139 812,0
	<i>joriy xarajatlar:</i>	<i>139 812,0</i>
7	Iqtisodiyotga xarajatlar	22 310 660,0
	<i>joriy xarajatlar:</i>	<i>22 310 660,0</i>

-	Ichki xo'jalik avtomobil yo'llarni ta'mirlash xarajatlari	3 000 000,0
	<i>joriy xarajatlar:</i>	<i>3 000 000,0</i>
-	Obodonlashtirish sohasi	17 856 160,0
	<i>joriy xarajatlar:</i>	<i>17 856 160,0</i>
-	Tuman budjeti prognoziga mahallabay ishlash tizimi uchun daromadlar rejasini orttirib bajarilgan qismining 5 foizi qo'shilmoqda	1 454 500,0
	<i>joriy xarajatlar:</i>	<i>1 454 500,0</i>
8	Davlat boshqaruv organlarini saqlash	16 969 664,0
	<i>joriy xarajatlar:</i>	<i>16 969 664,0</i>
9	Fuqarolarning o'zini o'zi boshqarish organlarini saqlash	2 866 127,0
	<i>joriy xarajatlar:</i>	<i>2 866 127,0</i>
10	Zaxira jamg'armasi	855 079,0
	<i>joriy xarajatlar:</i>	<i>855 079,0</i>
11	Fuqarolar tashabbusi jamg'armasi	7 500 000,0
	<i>joriy xarajatlar:</i>	<i>7 500 000,0</i>

Xalq deputatlari Mirobod tuman
Kengashining
2023 yil 5 yanvardagi
II-74-1-14-199-K/23-son qaroriga
3-ilova

T/r	Tuman nomi	Aylanmadan olinadigan soliq	Yakuniy istemolchilarga benzin, dizel yoqilg'isi va gazni realizatsiya qilishdagi aksiz solig'i	Yuridik shaxslarning mol-mulkiga solinadigan soliq	Yuridik shaxslardan olinadigan yer solig'i	Suv resurslaridan foydalanganlik uchun soliq, (bundan elektr stansiyalari tomonidan to'lanadigan soliq mustasno)
1	Mirobod tumani	21%	54%	10%	10%	100%